

**REPORTS OF THE NATIONAL ACADEMY OF SCIENCES  
OF THE REPUBLIC OF KAZAKHSTAN**

ISSN 2224-5227

Volume 5, Number 309 (2016), 332 – 338

UDC 32:061.234

**N.L. Seitakhmetova<sup>1</sup>, Sh.M. Zhandossova<sup>2</sup>, K.E. Smagulov<sup>3</sup>**

<sup>1, 2</sup> Institute for Philosophy, Political Science and Religion Studies CS MES RK Almaty, Kazakhstan;

<sup>3</sup> Al-Farabi Kazakh National University, Almaty, Kazakhstan  
sholpan\_zhandossova@mail.ru

**POLITICAL ASPECT OF PROBLEM OF RELIGIOUS EXTREMISM**

**Abstract.** The problem of terrorism, extremism and counter these phenomena in the world today has became one of the most important – both for individual states and the international community. This is explained by the scope and nature of recently terrorist acts, testifying that they changing their essence from particular human and particular national and turned into global phenomena. In this regard, it is necessary to clearly ascertain the nature of contemporary forms of terrorism and religious extremism in order to develop appropriate methods and mechanisms to overcome these phenomena and their eradication.

Extremism, in general terms is a commitment to extreme views and actions radically negating existing social norms and rules. Extremism, which manifests itself in the political sphere of society, is called political extremism and extremism as manifested in the religious sphere is called religious extremism.

This Article Analyzed the Political Aspect of the Problem of Religious Extremism. Reviewed the Definitions in the Conceptual Apparatus of Extremism.

**Keywords:** Religion, Politics, Religious Extremism, Terrorism, Ideology.

ӘӨЖ 32:061.234

**Н.Л. Сейтахметова<sup>1</sup>, Ш.М. Жандосова<sup>2</sup>, Қ.Е. Смагұлов<sup>3</sup>**

<sup>1, 2</sup> КР БФМ ФК Философия, саясаттану және дінтану институты;

<sup>3</sup> Әл-Фараби атындағы қазақ ұлттық университеті

**ДІНИ ЭКСТРЕМИЗМ МӘСЕЛЕСІНІҢ САЯСАТТАНУЛЫҚ ҚЫРЫ**

**Аннотация.** Ланкестік, экстремизм мен қазіргі әлемдегі оның құбылыстарына қарсы түрү мәселелері жекелеген мемлекеттер үшін де, сондай-ақ жалпы дүниежүзілік қоғам үшін де – ең маңызды мәселелердің бірі болуымен негізделеді. Оны соңғы уақытта ланкестік акциялардың өзінің жеке адами және жеке ұлттық мәнін өзгерте отырып, жалпы дүниежүзілік құбылысқа айналған ауқымымен және сипатымен түсіндіруге болады. Осыған байланысты адекватты әдістер және ланкестік пен діни экстремизмді жөнү мен жою механизмдерін дайындау мақсатында осы құбылыстардың заманауи формаларының мәнін нақты анықтап алу керек.

Экстремизм, жалпы түрі бойынша қоғамда қолданылатын нормалар мен ережелерді жоққа шыгаратын қоғамға қарсы пікірлер мен әрекеттер болып табылады. Қоғамның саяси саласында пайды болған экстремизм саяси экстремизм деп, ал діни салада көрініс тапқан экстремизм діни экстремизм деп аталады.

Аталған мақалада діни экстремизм мәселесінің саясаттанулық қыры талданған. Экстремизмнің ұғымдық аппаратындағы анықтамалар кеңінен қарастырылған.

**Түйін сөздер:** дін, саясат, діни экстремизм, терроризм, идеология.

**Кіріспе**

Діни экстремизм – нақты бір тұлғалардың, топтардың, мемлекеттердің саяси мақсаттарға жету үшін дінді немесе діннің кейір қағидаттарын идеология, мотивке айналдыру. Яғни дін саясаттың құралына айналатындықтан, діни экстремизм саяси зерттеудің объектісі болып табылады. Осы орайда, діни экстремизмнің идеологиясы, мотивтері, объектілері мен субъектілері, экстремистік

әрекеттер мен ұйымдарды қарастырган жөн.

Экстремистік идеологияның мәнін ұғыну үшін идеология ұғымының құрылымын, типтерін қарастырудан және оны тұтас құбылыс ретінде талдаудан бастаған жөн. «Идеология – адамдардың қоршаған ортаға және бір-бірлеріне қатынастарын белгілейтін және қоғамдық қатынастарды бекіту мен дамытуға қызмет ететін идеялар мен көзқарастардың жиынтығы. Идеологиялық көріністердің негізі ретінде қандай да бір қоғамдық мұдделер анықталады. Таптық қоғамда идеология нақты бір таптың сол қоғамдағы орнын, таптардың өзара қатынастары мен мұдделерін білдіретін таптық сипатта болады. Идеология саяси, құқықтық, діни, этностық, эстетикалық, философиялық көзқарастар формасында көрініс табады» [1].

Оз мәнділігінде идеология объективті әлеуметтік шынайылықтың қандай да бір әлеуметтік қауым тұрғысынан көрініс табуы және осы әлеуметтік қауымның базалық әлеуметтік мұдделерін білдіру, яғни ол қандайда бір әлеуметтік қауымның өзіндік әлеуметтік сана сезімі. «Әлеуметтік топтың (тап, ұлт және т.б.) немесе жеке тұлғаның бекітүлөрі мен тандаулар жүйесі, ол шынайылықты түсіну мен түсіндіру тәсілі және әлеуметтік игіліктеге, дәрежелер мен рөлдерге қатынастарын білдіру болып табылады» [2].

Формасы жағынан идеология – әлеуметтік шынайылыққа қатысты көзқарастар жүйесі. Бірақ саяси ғылымнан ерекшелігі ол құндылықтық сана болып табылады. Сол себепті, идеология қоғам туралы ғылыми білімдерден бүрын нақты әлеуметтік шынайылыққа қатысты ешбір сыйызың қабылданатын құндылықтар жүйесінен тұрады. Идеологияны құрылымдық тұрғыдан қарастыруда, оның үш деңгейін қарастыруға болады:

1. *Теориялық-концептуалды*. Бұл деңгейде саяси теорияның негізгі ережелері қалыптасады, ұсынылатын қоғамдық құрылымның негізін құрайтын кейбір құндылықтары мен идеалдары негізделеді.

2. *Бағдарламалық директивалық*. Бұл деңгейде әлеуметтік-философиялық принциптер мен идеалдар нақты саяси бағдарламаларға ауысады.

3. *Іс-қимылдық*. Қоғамдық санаға бағдарламалар, ұрандар мен талаптар түріндегі идеологиялық ұстанымдарды енгізу қандай да бір саяси іс қимылдарға әкеледі».

Идеология құрылымы:

- қандай да бір әлеуметтік топтың нақты әлеуметтік шынайылық туралы және ондағы өзінің орны туралы елестетулерінен (теориялық-танымдық);
- нақты әлеуметтік шынайылықты бағалау мен ондағы өзінің орнын жеке (топтық) мұдделер тұрғысынан бағалаудан;
- осы топтың түпкілікті әлеуметтік мұдделерінің іске асуын қамтамасыз ететін, қоғамдық жүйенің үлгісін көрсететін қандайда бір әлеуметтік идеалдан;
- идеалды жүзеге асыратын іс қимылдар бағдарламасынан;
- әлеуметтік-саяси қызмет пен сәйкесті іс-қимылдық ұстанымдар нормаларының, ережелерінің жүйесінен тұрады [3].

Осы орайда, берілген элементтердің қандай да деңгейінде экстремистік идеологияны экстремистік емес идеологиядан ажырату мәселесі туындаиды. Мұндай ерекшеліктерді анықтау идеологияның әлеуметтік мазмұнының белгілері негізінде, яғни ол қандай топтың мұдделерін білдіретіндігіне байланысты айқындау толық болмайтыны белгілі. Сәйкесінше, қандай да бір әлеуметтік топтың идеологиясын экстремистік, топтың өзін де экстремистік деп атаудың орынсыз екендігі анықталады. Сонымен қатар қоғамды экстремистік топтар мен экстремистік емес топтар деп бөлудің өзі абсолютті шартты турде және идеологиялық тұрғыдан алдын ала қалыптасқан сипат алатыны белгілі.

Сол себепті экстремистік және экстремистік емес идеологияның ерекшеліктерін олардың саяси іс-қимыл бағдарламалары мен іс-әрекеттік ұстанымдары арқылы айқындаған жөн. Егер нақты бір идеология жүйелі немесе жаппай зорлық көрсетудің әлеуметтік топтарға геноцид жүргізу шараларына дейінгі радикалды іс-қимыл бағдарламаларынан, сондай-ақ саяси оппоненттері, қарсыластары, өзге сенімдегілерге қатысты шектен шықкан ерікті қимылдар нормаларынан тұратын болса, мұндай идеологияны экстремистік ретінде айқындауға болады. Алайда, идеологияның ішкі байланыстар элементінің логикасы ескерілмей қалады. Өйткені идеологияның бағдарламалық іс-әрекеттік элементтері оның теоретикалық құндылықтық элементтерінің салдары, нәтижелері ғана болып табылады. сол себепті экстремистік идеологияның басты критерий ретінде осы мазмұнды, теоретикалық құндылықтық критерийлерді ескерген жөн [4].

Нақты қоғам туралы түсініктер мен ондағы өзіндік орынды нақты әлеуметтік топтар арқылы

айқындау, сәйкесінше осы түсініктер мен бағалаулардан пайда болатын қандай әлеуметтік идеалдарды экстремистік іс-әрекеттер мен саяси бағдарламалардың негіздері деп қарастыруға болады. Сонымен нақты әлеуметтік топтың экстремистік идеологиясы ретінде:

- қоғам туралы түсініктер деңгейінде әлеуметтік, наслідік және ұлттық тенсіздіктер бар болатын және олар тек жоғары әлеуметтік топтарға лайықты өмір сүргүте құқылы, ал төменгі топтар шексіз пайдалану тіпті, геноцидке лайықты деген шектен шықкан идеялар болатын;
- әлеуметтік шынайылықты бағалауда қарапайым биополярлы жүйе, яғни өз адамдары мен жат адамдар, мейірімділік пен зұлымдық ретінде бөлу қолданылатын және зұлымдық ретінде сол топтың құқықтары мен мұдделері қысымға түсетін нақты бір әлеуметтік жүйе танылатын болса, ал мейірімділік ретінде сол әлеуметтік жүйемен күресудің кез келген формалары қабылданатын;
- әлеуметтік идеал деңгейінде өзге әлеуметтік топтардың мұдделерінің зардал шегуі арқылы нақты бір әлеуметтік топтың мұдделері толығымен орындалуы жүзеге асырылатын қоғамдық құрылым үлгісі ұсынылатын;
- әлеуметтік іс-әрекет деңгейінде экстремистік идеология қоғамды радикалды түрде өзгертуі ұсынбайды, ол әдетте, нақты әлеуметтік топ және оның мұдделері толықтай сақталатын деңгейде өзгертуі ұсынады. Бұл – утопиялық әлеуметтік фундаментализм немесе консерватизмнің бағдарламасы белгілері бар идеологияны атауға болады [5].

Экстремистік идеологияның әлеуметтік мәнін анықтау, оның әлеуметтік шынайылыққа қатынасын талдау арқылы анықталады. К.Мангейм идеологияны «түсініктердің трансцендентті болмысы және мұнда de facto ешқашан өз мазмұнының жүзеге асуына жетпейді», – деп анықтайды [6]. Сонымен катар ол «болмысқа трансцендентті», мүмкін емес ретінде орын алғып отырған өмір сүру салтына сәйкеспейтін түсініктерді атайды. Алайда, К.Мангеймнің өзі егер идеология әлеуметтік шынайылықты өзгерте алса, утопияға айналады деп көрсеткен. Шын мәнінде, идеологияның шынайылыққа қатынасына байланысты мұндай тәсіл экстремистік идеологияның мәнінің ерекшеліктерін анықтауға мүмкіндік бермейді.

Экстремистік идеологияның әлеуметтік мәні оның зандауды мен тарихи шарттандырылғанында, алайда, нақты әлеуметтік топтың осы тарихи шарттылықтарда өзіндік сақталу әрекеттерін шектен тыс формаларда жүзеге асыруында. Мұндай әрекеттердің шектен шығуы мен адекватсыздығы біріншіден, нақты әлеуметтік топ өзінің мұдделлерін тек зорлықшыл немесе күш көрсету әрекеттері арқылы, екіншіден, мұндай тарихи экстремалды жағдайдан шығу үшін оны консервативтік тұрғыдан өзгертуіп бұрынғы қалпына келтіру және мұнда сол әлеуметтік топтың жағдайлары мен дәрежелерін жақсарту секілді утопияға ұрынады.

Дегенмен, тек бір ғана әлеуметтік топтың мұдделері ғана жүзеге асатын қоғам құрудың мүмкін еместігі секілді тарихи үдерісті тоқтатуға болмайтынын ұғынған жән. Әрине, тарихтан байқалғандай, нақты тарихи дағдарыстық кезеңді шешу үшін экстремизм емес, әлеуметтік сапалы қайта өзгерту бағдарламасын ұсынатын әлеуметтік революцияны қолдануға болады, мұндағы әлеуметтік топтар мен олардың арақатынастары да өзгере еді, олардың мұдделеріне қатысты әділ компромисстер жүзеге асар еді.

Экстремистік идеология экстремистік әрекеттің негізі мен базисі болып табылады. «Индивидтердің, топтардың, партиялардың саяси қызыметтерін оларға өзекті болып табылатын идеалдар мен құндылықтар аясында мәнділік пен мағыналарға толтыра отырып, саяси идеологтар саяси іс-әрекетті мотвациялаушы рационалды құныдылықтық формалар ретінде көрініс табады» [7].

### **Негізгі болім**

Әдебиеттерде экстремизмді анықтағанда әдетте, экстремистік іс-әрекеттің сипаттамаларына ерекше назар аударылады. Экстремистік іс-әрекеттерді анықтағанда, ең алдымен, экстремистік әрекеттердің негізгі тұрларын тізбелумен шектеледі, ал олардың жүзеге асырылу мотивтері анықталмайды немесе абстрактілі, бұлдыр сипат алады.

Көп жағдайларда экстремистік әрекеттерді терроризммен теңестірулер кездеседі. «Терроризм – саяси экстремизмнің шектен шықкан көрінісі, қоғамды жүйелі түрде үрейлендіру, тұрақсыздандыру, зорлықпен қорқыту» [8]. Зорлық пен зорлық арқылы үрейлендіру сыртқы белгілері бойынша экстремизм мен терроризмді ұқсас етіп көрсетеді. Террористік қимылдардың барлығы дерлік экстремистер тарапынан қолданылады. Алайда, террористік әрекеттер түрлі идеологиялық мотивацияларға ие болуы мүмкін екендігін естен шығармаған жән. Және осы негізде экстремистік көзқарастармен шарттандырылған терроризмді, өзге идеологиялық мотивациялармен шарттандырылған террордан айырып алған жән. Мысалы, экстремистік

әрекеттерді анықтағанда экстремистердің қандай да бір әрекеттерін тізбелеу емес, оның нақты идеологиясын көрсету қажет.

Экстремистік әрекетке экстремистік идеологиямен шарттандырылған, мотивацияландырылған әрекеттер жатады. Экстремизмді әлеуметтік деструктивті радикалдық әрекеттің интитуализацияланған формасы ретінде қарастыра отырып, оның субъектісі мен объектісін, мотвациясы мен мақсаттарын, сондай-ақ экстремистік әрекеттің жалпы әлеуметтік мәні мен әрекет ету тәсілдерін анықтаған жөн.

Діни экстремистік әрекеттің субъектісі өзіндік сәйкестілігі, әлеуметтік дәрежесі мен мұлдем құру қаупі тәнген дағдарысты жағдайға ұшыраған қандай да бір тұлға немесе әлеуметтік топ, этникалық топ немесе тұтас мемлекет пен халық болуы мүмкін. Алайда, көп жағдайларда экстремистік әрекеттің субъектілері қатарына әлеуметтік қауымның құрделі жағдайға ұшыраған тобы мен психологиялық тұрақсыз, радикалды экстремистік идеологияны қабылдағыш тобы өтеді. Мұндай топтарды кейде маргиналды топтар деп те атайды [9].

Діни экстремистік әрекеттің сыртқы объектілері ретінде «жаку» категориясына жатқызылған адамдар (жеке тұлғалар немесе әлеуметтік топтар) немесе экстремистер санасында жағымсыз әлеуметтік тәртіп түрінде қабылданатын түрлі әлеуметтік объектілер, институттар, ұйымдар қабылданады. Бірінші жағдайда ашық әлеуметтік агрессияны, екінші жағдайда жанама түріндегі әлеуметтік агрессияны қөруге болады. Шын мәнінде, экстремизмнің объектісі нақты дағдарысты әлеуметтік жағдай болып табылады, алайда, ол экстремист санасында нақты «жаулардың» бейнелеріндегі жеке тұлғалар немесе әлеуметтік ұйымдар ретінде қабылданып, агрессиялық қимылдарға бағытталады. Осылайша, экстремизмді нақты объектіге емес, оның өзіндік қабылдаудың сәйкес өзгерген формасына кері бағдарланған агрессия ретінде анықтауға болады. Сонымен қатар мұндай агрессиялар көп жағдайда кездейсоқ, кінәсіз тұргындарға бағытталуы да орын алып тұрады. Мұндай агрессиялар дағдарысты жағдайды шешпейтінін кайта ушықтыра беретіндігі белгілі.

Діни экстремистік әрекеттер өзінің идеологиялық мотвацияларының сипаттамаларына қатысты:

1. Карапайым идеологиялық мотивация негізінде пайда болатын, жалпықоғамдық психология деңгейіндегі аяқасты пайда болатын, ретсіз әрекеттер (экстремистік әрекеттердің алғашқы қарабайыр формалары);

2. Қандай да бір идеологиялық жүйеге және одан пайда болатын құндылықтар, идеалдар жүзеге асырылуы тиіс мақсаттарға негізделген саналы идеологиялық әрекеттер (экстремистік әрекеттердің толық формасы) болып екі түрге бөлінеді. Бірінші формадан екінші формаға ету және олардың өзара әрекеттестіктері әрбір нақты жағдайдағы тарихи ахуалдарға тікелей байланысты [10].

Экстремизмнің психологиялық мотивациясы әлеуметтік үрей мен одан туындағы агрессия мен қаталдық болып табылады. Сонымен қатар үреймен мотвацияланған экстремистік әрекеттерде психологиялық мотивацияның қысымы азаймай, қайтадан қүшейе түседі. Экстремист экстремистік әрекеттерге құштірек әрі тереңірек енген сайын оның экстремистік психологиялық толқыныстары қүшейе түсіп, экстремистік әрекеттердің одан әрі жалғасуына әкеледі. Психологиялық жоспарда, дәстүрлі емес ағымдарға қызығушылық туғызатын себептердің арасынан, ресей зерттеуші О. Копылова өмір ағымының шапшаңдығымен және ертенгі қунғе сенімсіздікпен байланысты болатын психологияға салмақ түсінді өршіп келе жатырғандығымен жинақтала түсетін «сезімнің ашығы синдромын» атап көрсетеді [11].

Экстремистік әрекеттердің мақсаты қосарлы, қорғаныштық шабуылдық сипатқа ие болады. Экстремистік әрекет бірінші кезекте қорғаныстық мақсатты көздейді, алайда, көп жағдайларда төтенше және адекватты емес, заңсыз құралдарды қолдана отырып, өзге әлеуметтік топтардың құқықтары мен мұдделеріне қысым көрсетеді. Қорғаныстың мұндай түрі агрессивті, белсенді сипатқа ие болатындықтан, экстремистік әрекеттердің екінші мақсаты экстремистер санасында «жакулар» кейінде бейнеленетін саяси қарсыластарға максималды түрде шығындар әкелу оларды қиарату болып табылады. Экстремистік әрекеттердің көң формаларының соңғы мақсаты – орын алып отырған әлеуметтік жүйені реформалау арқылы өздерінің топтарының сол ортада сақталуы мен дамуына қол жеткізу. Экстремизмнің дамыған интитуализацияланған формасындағы экстремистік әрекетті: идеологиялық насиҳаттық, ұйымдастырушылық және тәжірибедегі зорлық актілері деп негізгі үш топқа бөліп қарастыруға болады.

Идеологиялық насиҳаттық әрекеттерге экстремистік идеологияны дайындау, экстремистік

насихаттық материалдарды әзірлеу, экстремистік идеологияны іс жүзінде насыхаттау, ал ұйымдастыруышылық әрекеттерге экстремистік ұйымдарды құру, олардың қызметтерін жоспарлау, экстремистік ұйымдарды мамандар мен материалдармен және қаржылай қамтамасыз ету жатады. Іс жүзіндегі экстремистік әрекеттердің жиынтығы рухани өнегелік, тәндік болсын зорлық актілерінен, террордан тұрады, ол жеке тұлғалар, топтар мен әлеуметтік ұйымдарға қарсы бағытталады. Мұндай әрекеттер ең аз дегендеге, саяси оппоненттерін қорқыту арқылы олардың қарсыласу мүмкіндіктерін шектеу, ең көп дегендеге, оларды түпкілікті жою дегендегі білдіреді [12].

Діни экстремистік ұйымдардың мәнін анықтағанда бұл экстремистік идеология мен әрекеттердің аясында ерікті түрде біріккен адамдардың топтары екендігін ескерген жөн. Экстремистік ұйымдардың формалары: формалды емес азғантай топтар, заңды әрекет ететін қоғамдық немесе саяси бірлестіктер, партиялар, қозғалыстар болуы мүмкін. Егер экстремистік партия билікті жаулап алса, ол тұтас мемлекетті экстремизм құралы ретінде пайдаланып, оны экстремистік ұйымға айналдырады. Экстремистік ұйым оның формасына қарамастан адамдар тобының нақты идеология аясында бірігулері мен осы идеологияларды жүзеге асыру мақсатындағы бірігулері мен әрекеттері болып табылады [13].

Сонымен, діни экстремизм жоғарыда қарастырылған құрделі үш элементтен: экстремизмнің базисі болып табылатын экстремистік идеологиядан; экстремистік идеологияны жүзеге асыратын экстремистік әрекеттен; экстремистік әрекеттерді әлеуметтік ұйымдастыру формасы болып табылатын экстремистік ұйымдардан құралған құрделі әлеуметтік құбылыс болып табылады.

Діни экстремизм ішіндегі бөліністер діни сенімдердің формалары немесе діни конфессиялар бойынша бөлінеді. Мұндай критерийлерге сәйкес, діни экстремизм формаларын негізгі конфессияларға қатысты: христиандық (оның ішінде христиандықтың үш бағыттары бойынша), исламдық, буддистік және дәстүрлі емес діни ағымдарға тән экстремизм формаларының топтары, т.б. деп көрсетуге болады. Егер діни экстремистік идеологияның әлеуметтік мазмұнын қарастыратын болсақ, ол – дәстүршілдік (феодалдық немесе қауымдық әлеуметтік жүйелерді идеалданыру негізінде пайда болған) немесе модернистік (капиталистік әлеуметтік жүйені идеалданыру негізінде пайда болған) діни экстремизм.

Әлеуметтік субъектінің саясатқа қатынасына байланысты діни экстремизмді: биліктік және оппозициялық экстремизм деп екі түрге бөлуге болады. Биліктік – нақты қоғамдағы экономикалық және саяси билікке ие тұлғалар тараپынан жүзеге асырылатын экстремизм. Бұл экстремизм бағынышты топқа қарсы бағытталады. Оппозициялық экстремизм бағынышты әлеуметтік топардың тараپынан жүзеге асады. Егер алғашқысы билікті сақтап қалу және онымен байланысты жоғарғы топтардың артықшылықтарын да сақтап қалу болса, екіншісі өздерінің жағдайларының күрт төмендеуіне шұғыл қарсылық көрсету болып табылады [14].

Жалпы алғанда, діни экстремизм өзінің мәні жағынан, қазіргі дәуірге тән діни мен зайдарлықтың бөлінуіне радикалды агрессиялар деген пікірлер де жоқ емес. Бұқаралық денгейде дінді тек рухани, сондай-ақ саяси қатынастарда да адамнан үстем терминдермен түсіндіруге ұмтылу туралы әңгімелер жүргізілуде. Абсолютті бірегей деп, саяси экстремизмнің түрлері болып табылатын, этникалық халықтық экстремизмді, діни-саяси экстремизмді айтуға болады.

Экстремизмнің әртүрлілігіне тән сипаттарының ерекшеліктерін мынадай сәттермен белгілеуге болады:

1. Діни экстремизм – мемлекеттік құрылымды өзгертуге бағытталған (билікті күшпен басып алу да бар) әрекет, мемлекеттің аумақтық тұтастығы мен егемендігін бұзу. Саяси мақсаттардың сонына тусу – діни экстремизмнен діни-саяси экстремизмді ажыратуға мүмкіндік береді.

2. Діни-саяси экстремизм діни жорамал, не ұрандармен көмкерілетін немесе тасаланатын саяси әрекеттің занға қарсы түрі болып есептеледі.

3. Өздерінің мақсаттарына жету үшін құресудің күш қолданатын тәсілі – діни-саяси экстремизмнің ерекшелігінің қыры [15].

Діни-саяси экстремизм әлеуметтік-саяси мәселелерді шешу жолында келісімге, ымыраға келу, тіпті, бітімгершіл мүмкіндіктерді теріске шығарады. Діни-саяси экстремизмнің жақтастары, бірдей сенімдегілерді қосқанда, бұлардың саяси көзқарастарын ажыратпайтындардың бәріне қатынасы өрекел төзбестікпен айрықшаланады. Олар үшін ешқандай да «саяси ойын ережелері», рұқсат етілген мен етілмегенің шекарасы болмайды. Мемлекеттік институттармен майдандасу – олардың мінез-құлқының стилі. Әлемдік діндер үшін, негізі қаланған болып табылатын «алтын аралық» пен «олар сенімен сондай қатынаста болатындей ету үшін, өзгелерге өзін қаламағандай қатынас жасама» деген қағидалар жоққа шығарылады. Олардың қоймасында бос сөздермен келіп

тоғысатын күштеу, өрескел қаталдық пен озбырылық ұмтылушилық басты нәрселер болып табылады.

Идеологиялық жоспарда экстремизм:

- барлық өзге бір ойларды терістеу, жек көру, тіпті, оған қысымшылық жасау;
- өздерінің саяси және діни көзқарастар жүйесін қатаң және баламасыз түрде тұжырымдау;
- көшбасшысының бұйрықтарын орындау мен оған бағынуды қалыптастыру және оны табынуға айналдыру болып есептеледі.

Ұйымдастырылған құрамдағы діни экстремизм туралы:

- құрылған ұйымның жасырын/астыртын сипатын;
- террор мен агрессияшыл әрекеттерге дейін алып баратын ымырашыл/төзімдіктің болмауын;
- сол мемлекет насиҳаттайтын құрылым мен қызмет етіп отырған мемлекетке өзін қарсы қоюға тырысуын айтуда болады [16].

### **Қорытынды**

Жасалған талдауларды тұжырымдай келе зерттеу объектісі саналатын діни экстремизм типін саяси ғылым санаты ретінде ғылыми, қоғамдық, саяси, діни маңыздылық тұрғысынан, оның мазмұнында саяси мұдденің ашық немесе астарлы түрде орын алуына байланысты, пайда болу себептері мен белгілерін талдау арқылы діни-саяси экстремизм ретінде анықтайтын тұжырым жасауға болады.

Осылайша, экстремизмнің ұйымдық аппаратындағы анықтамалардың нақты дифференциациясы және діни-саяси экстремизмді белгілі көрсету қазіргі таңда көрініс тауып отырған діни-саяси экстремизмнің негізгі бағыттарын, субъектілерін және факторларын айқындауға мүмкіндік береді.

Діни-саяси экстремизмнің негізгі сипаттамаларын негізге ала отырып, діни-саяси экстремизмнің субъектілері ретінде түрлі конфессияларға қатысты діни, ұлттық, сепаратистік ұйымдарды көрсетуге болады. Олар өздерінің нақты саяси мақсаттарына қол жеткізу үшін экстремистік әрекеттерінде діни платформаларды қолданады.

Діни-саяси экстремизмнің пайда болуының және қалыптасуының негізгі факторларын қарастыру шын мәнінде, аса құрделі болып табылады. Діни-саяси экстремизм генезисінің көнфакторлығы оны бір жағынан, қазіргі замандағы элеуметтік тұрғыдан ең қауіпті құбылыс ретінде көрсетсе, бір жағынан, оны зерттеу деңгейін айтарлықтай құрделендіреді. Оның салдары атаптың қауіпті құбылыстың алдын алуға бағытталған нақты шарапаларды жүргізуге кедергілер келтіреді.

### **Зерттеуді қаржыландыру көзі**

Н.Л., Сейтахметова, Ш.М. Жандосова, Қ.Е. Смағұловтың «Діни экстремизм мәселесінің саясаттанулық қыры» атты тақырыптағы ғылыми мақаласы Қазақстан Республикасының Тұнғыш Президенті – Елбасының коры Жас оқымыстылар мен ЖОО студенттеріне Қазақстанда және шетелде өтетін ғылыми конференцияларға, симпозиумдарға, семинарларға және Конгрестерге қатысуға берілетін «Сапарлар гранттары» конкурсы аясында дайындалды.

### **ӘДЕБІЕТ**

- [1] Философская энциклопедия. – 1998. – Т. 2. – 229 с.
- [2] Агофонов Ю.А., Визнер С.В., Самыгин С.И., Шило С.И., Щербакова Л.И. Основы политологии. – Ростов-на-Дону: Феникс, 2000. – С. 271.
- [3] Горелик А. В. Политическая идеология: вопросы и ответы. – Минск: ИПиП, 2005. – С. 17.
- [4] Экстремизм. Мир Словарей. [http://mirslovarei.com/content\\_pol/jeckstremizm-763.html](http://mirslovarei.com/content_pol/jeckstremizm-763.html).
- [5] Mannheim K. Die Strukturanalyse der Erkenntnistheorie. – Berlin, 1922. – 57 с.
- [6] Mannheim K. Ideologische und soziologische Interpretation der geistigen Gebilde. In: Jahrbuch fur Soziologie. – Karlsruhe, 1926. – Bd 2. – 424 с.
- [7] Антонян Ю.М. Терроризм. Криминологическое и уголовно-правовое исследование. – М., 1998. – С. 9.
- [8] Мартыненко Б.К. Политический терроризм: понятие, признаки, классификация // Северо-Кавказский юридический вестник. – 1999. – С. 1.
- [9] Рахмон Э. Противодействие террористической угрозе долгосрочная задача // Независимость Таджикистана и возрождение нации. – Душанбе: Ирфон, 2006. – Т.5. – С.16.
- [10] Авдеев Ю.И. Терроризм как социально-политическое явление. Современный терроризм: состояние и перспективы / под ред. Е.И. Степанова. – М.: Эдиториал УРСС, 2000. – С. 50.
- [11] Копылова О.С. Адаптационные процессы в современных поликонфессиональных обществах // Сборник

- научных трудов «Взаимоотношения религиозных конфессий в многогранном регионе». – Севастополь: Вебер, 2001. – С. 162.
- [12] Трайнин А.Н. Терроризм как метод подготовки и провокации войн // Советское государство и право. – 1952. – №3. – С. 33-34.
- [13] Добродеев А. Экстремизм как социально-философское явление // <http://www.pobeda.ru>.
- [14] Денисова Л. В. Экстремизм и религия // Материалы международной научно-практической конференции «Экстремизм как социальный феномен». – Курган, 2005. – С. 271-272.
- [15] Кабанов П.А. Криминальный политический экстремизм: понятие, сущность и классификация // <http://sartracc.sgap.ru>.
- [16] Красиков В.И. Экстремизм: сущность и генезис // Материалы международной научно-практической конференции «Экстремизм как социальный феномен». – Курган, 2005. – С. 96.

#### REFERENCES

- [1] Filosofskaja jenciklopedija. – 1998. – Т. 2. – 229 s.
- [2] Agofonov Ju.A., Vizner S.V., Samygin S.I., Shilo S.I., Shherbakova L.I. Osnovy politologii. – Rostov-na-Donu: Feniks, 2000. – S. 271.
- [3] Gorelik A. V. Politicheskaja ideologija: voprosy i otvety. – Minsk: IPiP, 2005. – S. 17.
- [4] Jekstremizm. Mir Slovarej. [http://mirslvarei.com/content\\_pol/jekstremizm-763.html](http://mirslvarei.com/content_pol/jekstremizm-763.html).
- [5] Mannheim K. Die Strukturanalyse der Erkenntnistheorie. – Verlin, 1922. – 57 s.
- [6] Mannheim K. Ideologische und soziologische Interpretation der geistigen Gebilde. In: Jahrbuch fur Soziologie. – Karlsruhe, 1926. – Bd 2. – 424 s.
- [7] Antonjan Ju.M. Terrorizm. Kriminologicheskoe i ugolovno-pravovoe issledovanie. – M., 1998. – S.9.
- [8] Martynenko B.K. Politicheskij terrorizm: ponjatie, priznaki, klassifikacija // Severo-Kavkazskij juridicheskij vestnik. – 1999. – S. 1.
- [9] Rahmon Je. Protivodejstvie terroristicheskoj ugroze dolgosrochnaja zadacha // Nezavisimost' Tadzhikistana i vozrozhdenie nacii. – Dushanbe: Irfon, 2006. – Т.5. – S.16.
- [10] Avdeev Ju.I. Terrorizm kak social'no-politicheskoe javlenie. Sovremennyj terrorizm: sostojanie i perspektivy / pod red. E.I. Stepanova. – M.: Jeditorial URSS, 2000. – S. 50.
- [11] Kopylova O.S. Adaptacionnye processy v sovremennych polikon-fessional'nyh obshhestvah // Sbornik nauchnyh trudov «Vzaimootnosheniya religioznyh konfessij v mnogonacional'nom regione». – Sevastopol': Veber, 2001. – S. 162.
- [12] Trajinin A.N. Terrorizm kak metod podgotovki i provokacii vojn // Sovetskoe gosudarstvo i pravo. – 1952. – №3. – S. 33-34.
- [13] Dobrodeev A. Jekstremizm kak social'no-filosofskoe javlenie // <http://www.pobeda.ru>.
- [14] Denisova L. V. Jekstremizm i religija // Materialy mezhdunarodnoj nauchno-prakticheskoy konferencii «Jekstremizm kak social'nyj fenomen». – Kurgan, 2005. – S. 271-272.
- [15] Kabanov P.A. Kriminal'nyj politicheskij jekstremizm: ponjatie, sushhnost' i klassifikacija // <http://sartracc.sgap.ru>.
- [16] Krasikov V.I. Jekstremizm: sushhnost' i genezis // Materialy mezhdunarodnoj nauchno-prakticheskoy konferencii «Jekstremizm kak social'nyj fenomen». – Kurgan, 2005. – S. 96.

**Н.Л. Сейтахметова<sup>1</sup>, Ш.М. Жандосова<sup>2</sup>, К.Е. Смагулов<sup>3</sup>**

<sup>1,2</sup> Институт философии, политологии и религиоведения КН МОН РК,

<sup>3</sup> Казахский национальный университет имени аль-Фараби

#### ПОЛИТИЧЕСКИЙ АСПЕКТ ПРОБЛЕМЫ РЕЛИГИОЗНОГО ЭКСТРЕМИЗМА

**Аннотация.** Проблемы терроризма, экстремизма и противодействия этим явлениям в современном мире стали одними из важнейших – как для отдельных государств, так и для мирового сообщества в целом. Это объясняется масштабами и характером террористических акций в последнее время, свидетельствующими о том, что они, изменив свою сущность, из частночеловеческого и частнонационального превратились в общепланетарное явление. В этой связи необходимо четко выяснить сущность современных форм проявлений терроризма и религиозного экстремизма – с целью разработки адекватных методов и механизмов преодоления этих явлений и их искоренения.

Экстремизм в общем виде представляет собой приверженность к крайним взглядам и действиям, радикально отрицающим существующие в обществе нормы и правила. Экстремизм, проявляющийся в политической сфере общества, называется политическим экстремизмом, экстремизм же, проявляющийся в религиозной сфере, получил название религиозного экстремизма.

В данной статье проанализирован политический аспект проблемы религиозного экстремизма. Рассмотрены определения в понятийном аппарате экстремизма.

**Ключевые слова:** религия, политика, религиозный экстремизм, терроризм, идеология.